

Հավելված՝

ՀՀ փաստաբանների պալատի

նախագահի 25.09.2019թ.

թիվ 383-Լ որոշման

Արա Չոփոսյան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԿԱՅՔՈՒՄ  
ՓԱՍՏԱԲԱՆԱԿԱՆ ԳՐԱՍԵՆՅԱԿՆԵՐԻ ՎԵՐԱԲԵՐՅԱԼ ՏԵՂԵԿՈՒԹՅՈՒՆՆԵՐ  
ՆԵՐԱՌԵԼՈՒ ԿԱՐԳ**

**I. Ընդհանուր դրույթներ**

1. Սույն կարգով սահմանվում են Հայաստանի Հանրապետության փաստաբանների պալատի (**այսուհետ՝ Պալատ**) կայքում փաստաբանական գրասենյակների վերաբերյալ տեղեկություններ ներառելու հետ կապված հարաբերությունները:

2. Սույն կարգով սահմանված իրավական կարգավորումները վերաբերում են բացառապես Պալատի կայքում փաստաբանական գրասենյակների մասին տեղեկությունների ներառմանը:

**II. Փաստաբանական գրասենյակի հասկացությունը**

3. Սույն կարգի կիրառման տեսանկյունից փաստաբանական գրասենյակ է համարվում՝

- 1) առնվազն երեք աշխատող ունեցող և փաստաբանական ծառայություններ մատուցող այն առևտրային կազմակերպությունը, որի կանոնադրական (բաժնեհավաք, փայտհավաք) կապիտալի 100 տոկոս բաժնեմասերը (բաժնետոմսերը, փայերը) պատկանում է (են) փաստաբանին (փաստաբաններին).
- 2) առնվազն երեք աշխատող ունեցող անհատ ձեռնարկատեր փաստաբանը:

**III. Պալատի կայքում փաստաբանական գրասենյակի մասին տեղեկությունների ներառման կարգը**

4. Պալատի կայքում փաստաբանական գրասենյակի մասին տեղեկություններ ներառելու համար փաստաբանական գրասենյակի գործադիր մարմնի ղեկավարը

կամ անհատ ձեռնարկատեր փաստաբանը ներկայացնում է գրավոր (այդ թվում նաև էլեկտրոնային փոստի միջոցով) դիմում, որը պետք է ներառի՝

- 1) փաստաբանական գրասենյակի անվանումը կամ անհատ ձեռնարկատիրոջ անունը՝ հայերեն և անգլերեն լեզուներով.
  - 2) փաստաբանական գրասենյակի հասցեն, հեռախոսահամարները, էլեկտրոնային փոստի հասցեն և կայքի հասցեն (առկայության դեպքում).
  - 3) մասնագիտացումը (հատկապես ի՞նչ ոլորտի գործերով է զբաղվում գրասենյակը).
  - 4) փաստաբանական գրասենյակի յուրաքանչյուր փաստաբան մասնակցի մասին տեղեկություն՝ մասնակցության տոկոսը, անունը, ազգանունը և արտոնագրի համարը.
  - 5) առկայության դեպքում՝ կազմակերպության ապրանքային նշանի (լոգոյի) ֆայլը (վեկտորային տարբերակով).
  - 6) աշխատակիցների թիվը.
  - 7) փաստաբանական գրասենյակի գործունեության հակիրճ նկարագրական տեքստը:
5. Սույն կարգի 4-րդ կետում նշված դիմումին կցվում են՝
- 1) կազմակերպության դեպքում՝ կազմակերպության կանոնադրության, մասնակցի (մասնակիցների) փաստաբանական գործունեության արտոնագրի (արտոնագրերի) պատճենը (պատճենները), ինչպես նաև տեղեկանք աշխատողների թվաքանակի և պաշտոնների մասին.
  - 2) անհատ ձեռնարկատիրոջ դեպքում՝ ՀՀ ԱՆ իրավաբանական անձանց պետական ռեգիստրի գործակալության համապատասխան փաստաթղթի պատճենը, փաստաբանական գործունեության արտոնագրի պատճենը, ինչպես նաև տեղեկանք աշխատողների թվաքանակի և պաշտոնների մասին:

#### IV. Եզրափակիչ դրույթներ

6. Սույն կարգով սահմանված դիմումը ներկայացվելուց հետո Պալատի համապատասխան աշխատակիցը քսան օրյա ժամկետում ներառում է համապատասխան տեղեկությունները կայքի «Գրասենյակներ» բաժնում:

7. Սույն կարգը չի տարածվում կարգի ընդունման պահին կայքում առկա գրասենյակների էջերի նկատմամբ:

8. Սույն կարգն ուժի մեջ է մտնում 2019 թվականի հոկտեմբերի 1-ից:

